



Sabtu, 13 November 2021

Ogen: Masmur 68:12



Diberu-Diberu Maba Berita



Abigai sekalak ndehara si cerdas. Itandaina perbulangenna Nabal e kalak si kasar, keras kepala, la ncidahken kehamaten man kalak sideban. Sekali jadi perbulangenna ngelakoken kesalahen e me la nggit nggalar upah si njaga biri-birina alu nulak suruh-suruhan raja Daud. Megombang Nabal man suruh-suruhan Daud, la lit sitik pe icidakhenna kehamantenna pe. Perbahanen Nabal man suruh-suruhan ncidahken perbahanenna man raja Daud. Merawa Daud meggi perbahanen Nabal. Abigail mejelimet ngidah si e, ietehna maka rawa Daud e mereken ngaruh si la mehuli nandangi perbulangenna. Sadar ia kerna kesalahen silakoken perbulangenna, kenca si e miter idaramina cara segelah perbulangenna ndatken pengalemi salah i bas Raja Daud nari. Ietehna ise Daud e me suruh-suruhan Tuhan, e maka reh ia ngadap ku Daud alu kiniteruken ukur dinggen nembah man bana rikut maba pangan man suruh-suruhan Daud alu tujun segelah perbulangenna selamat. Perbahanenna e erbahanca surut ukur Daud guna ngukum perbulangan Abigail.

Perbahanen Abigail enda erbahanca ia itandai. Ia jadi motivasi man enterem ndehara i bas nelamatkan se isi jabu. Ia diberu si peka entahpe cepat ngoge situasi si jadi, janah ngelakoken sada perbahanen guna maba keselamatan. "*Perempuan yang peka selalu membuat perubahan.*" Kalimat enda me silakoken Abigail. Kitab Masmur 68:12 pe nuriken kerna peran diberu-diberu i bas maba Berita. Kenca Tuhan mereken perintah, minter enterem diberu-diberu maba berita kerna kemenangan e. Meter berita e seh erbahanca terjadi perubahan kegeluhen; kebiaren, kecedan ate salih jadi keriahen ukur. Selaku nande tengah jabu iajuk kita maba berita si ngerehken perdamen, keselamatan bage pe kejuah-juahen. Siperdiateken ku sekelewetta maka enterem nggeluh i bas kebiaren, terancam ras sidebanna, *pekalah!* Kita isuruh guna mbebaskenca.